

空同集



空同集卷第十

北郡李夢陽撰

五言古詩五十六首

時命篇



代馬不戀越荆禽豈巢燕鸛鴒渡汶水君子憂未然
柰何客游子率爾辭故山行獸顧丘林出雲有歸還
交交聲利途軒車日駢闐誰念牛下人悲歌夜中嘆
豪門有棄襦我衣恒不完張儀懼諸侯泄柳乃閉關
貧賤豈盡愚時命當自安

述憤一十七首弘治乙丑年四月作是時坐

劾壽寧侯逮詔獄

天門鬱岩堯虎豹守其隅
番番九苞禽頡頏舞雲衢
銜書奏至尊青龍與之俱
光夕絕還響徒倚空愁予

二

帝居杳何許蒼蒼隔九閭
白玉爲阿闥黃金爲重門
可望不可扣仰見飛雲奔
何當發炎旭下照孤葵根

三

韜響久不作烈士常苦辛
魏裾已寂寥大漢檻空嶙峋
邈焉向千載勿日勿懷斯
臣皇心苟識察百死寧一身

四

不敢並孤立秋雲端鳥旣不自知人胡究其然

二

縣縣谷中葛引蔓在修楚
修楚伐爲薪葛也安所附
豈無締與綌可以禦清暑
烈烈嚴冬時憂君之纏絮

三

汎汎河上舟搖搖靡攸止
我欲維此舟川廣不可涖
振振鳧與鴈棲食在波水
豈不良幽寔夙心耽樂此

轅駒嘆

世徑互險夷富貴安所需
昔爲樞中駿今爲轅下駒
白日仰悲鳴青雲立踟躕
未蒙主人顧何由効馳驅

朝思碣石津夕睇流沙隅常恐侶凡蹇棄捐中路衢

李廣

李廣昔未遇射獵誰見稱君王猶未識他人寧不輕
日從田間飲夜止灞上亭醉尉前呼呵小吏亦見凌
一朝剖郡符飛蓋赴北平凭軾覽百邑樹羽寧千城
亭障不設燧漚馬躍頓纓彎弓射虎歸淡淡黃雲生
自從結髮戰含鎬無虛鳴威懼五單于胡人寤寐驚
孰知身運乖數竒竟無成壯顏逐年衰白髮忽見異
寄言雄圖者俟命莫吞聲

豫生

青青胡中槐交交一雙八禽爲巢育其兒結構良苦辛
一朝驚彈羅移棲向古向林我行適見之嘆白心空彌襟

十一

湫宇夕陰陰寒燈焰不長氣樓遞微明飄忽心如清霜
人云網恢恢我胡寓茲房墉鼠語牀下蝙蝠穿空梁
驚風振南牖徂夜倏已央於邑不成寐展轉情內傷

十二

小草生枯桑芊芊競芳辰雖云殊本根寄托各有因
自我罹幽囚勿心焉經流旬我兄千里餘渺渺長河津
妻子日望余蒼蒼隔西隣所幸二三友笑言越昏晨

宵鐙促燕膝昵語忘苦辛患難苟相得毋論骨肉親

十三

檐月何徘徊晨風復依依載言別同居倉皇倒裳衣
處者各惆悵去者從此辭挽手刺刺語寄言家中知
丁寧故與親願勿長相思明明昊天威我久寧在茲

十四

皇矣彼上帝赫赫敷明威四序舒以憐中有玄妙機
燭龍躍天門一朝景光回音為霜下草今為日中葵
稽首沐罔極欲報難為詞

十五

明月出東方徒行反家室室人走相訊問我何由出
明知非夢寐欲辯仍自失喜極雙涕零轉面各銜恤
垂鐙照緗卷浮埃滿朱瑟愁言卒未領勿心復見晨日

十六

鳴鑣踰廣陌執簡謁彤闈道逢相識問倏如遠行歸
虎拜閣門下龍顏霽晨輝二后邈以迓吾皇嗣其微
從諫如轉丸旁求炳先幾令聞洽四國壽與南山齊

十七

臣本草野士弱冠承恩私黽勉簪紱間低回報容姿
直湍寡回波勁木無弱枝天運不易測物情諒如斯

修塗方浩浩駕言赴前期

離憤五首正德戊辰年五月作是時闔瑾知
劾章出我手矯旨收詣詔獄

采采河邊蘭鯉魚何盤盤念我同胞人訣絕摧心肝
事變在須臾浮雲逝無端臨發路踟躕誰敢前爲言
原鴿杭高聲我行何時還十步九回頭淚下如流泉

二

練練晨明月鬱鬱風中柳蒼茫遮我車識是平生友
感君故意勤贈我雙瓊玖虎狼夾衡軛狐狸草間走
東方漸發白聊歸勿爲久天威煽方處君子比下

三

北風號外野五月知天寒海水晝夜翻南山石爛爛
丈夫輕赴死婦女多憂患中言吐不易拊膺但長嘆
永夜步中庭北斗何闌干裂我紅羅裙爲君備晨餐
車動不可留佇立淚汎瀾願爲雲中翼阻絕傷肺肝

四

驅車重行行前上西山陸白日忽已冥歸鳥來何遲
飄風吹征衣北逝方自茲行路見我行不行爲嗟咨
苦稱途路澁君子莫何之欲訴難竟陳天命自有期

五

結髮事君子締結固不解青蠅玷白璧馨香逐時改
恩阻愛不周棄擲良在此紅塵何真真白日淪西海
對面有訣絕何況萬餘里得寵各自媚誰爲展情理
訛言方媚興君子慎其始

赴江西之命初發大梁作

戚戚辭故里盛陽遠行游入門揖兄嫂征馬已駕
日午登前岡浮雲逝南流零汗透衣巾僕夫行悠悠
軀微懼命重慷慨但懷愁還望故所口右匹鳥爲相
而我獨何爲道路常懷憂

雜詩三十二首

古樹大業奮志常慨慷捐身赴國仇效命爭戰場
甲耀皎日挽弩千石強矢石下如蝟殺聲如沸湯
被刺目不逃沾危氣益昂雄名輝冊符生死固其常

二

大司肅制度鴻儒振英儀生殺原異門爲猷視厥施
裁冠巍堂上巧笑笑容姿狐心生暗鬼耳聞佯不知
膏梁媚妻妾無賴才王師白刃起如林狗馬用羈縻
榮達信有命嘆息將天爲

三

共工觸山折夸父去無還蝸氏懷憂傷鍊石思造天



P7

妖姬鼓哀瑟嬉戲玉臺間草昧怨無侯哲者中自剪
小鳥填巨海蘆灰過洪川力誠有不及心情良可憐

四

昔余曳鳴珮謁帝扣天閭聖人垂衮衣賡歌庶事康
鼎成不我顧奄忽驅龍翔生死變化理反覆開存亡
榮華有銷落連茹切微霜晨朝在須臾返車棲扶桑

五

命駕將何之意欲快我心蠻方亂如麻匈奴寇櫛林
揮劔誓俱亡彼軍忽如沉豈爲尺寸勳國仇怒至今
崑崙貢織皮鴟鴞懷好音功高固不賞讒妬來相尋

斬高鳴於世常激昂一逝聲影滅誰哉見孤頑

十一

登山望四海日夕忽至沉俯身眺城廓痲然沾我襟
交路夾芳蘭逝駟何駸駸朱樹藹間榭奇巧媚荒淫
北里進異舞高唐呈妙音織羅振芬芳朝雲遞嘉吟
不見秋至草零落愁春心

十二

兀然坐空堂戚戚恒竊悲曠世懷一鳴燕雀翻見欺
惡名收范公文致詆朱熹身親罔自明萬世余焉知
霜露墮華草顛顛今其時百年俟論定恃此良可嗤

十三

倚閭遲佳人日莫期不來拂衣舍之去去上延秋臺
旗旌蔽原坂鼓角鳴且哀黃鵠翔不下腐鼠鴟見猜
壯士憤國難撫劍但徘徊白日倏西傾愴惋肝肺摧

十四

灼灼綴枝華榮豔一何好朝陽溢其葩餘光照寒槁
冠蓋沓衢路致身競先早磬折名譽場銷鑠成醜老
一夕不復晨隕落隨秋草逍遙可竟世繁華詎足保

十五

陽回杳無朕朔風振江郊翩翩者何禽銜枯創新巢

長短有成理環也特其遭窮者非盡愚顯豈皆賢豪

羲陽奄西馳今夕明復朝如何途路子得意恒自驕

十六

無榮亦無辱倚伏還相隨韓侯嘆良弓寧復歆昔時

華春敷明陽各艷容與姿孤松秀嚴冬歷世誰可期

照耀東門瓜前貴今豈知較計毀譽間無乃賢達卑

十七

昔有玩世士乃處匡山阿其人久已冥春林發煙蘿

故址栗里旁見者不忍過荷鋤豈不苦刈薪行且歌

詆毀日來加醉酒良靡他沉冥在一時千載固難磨

小兒爲督郵磬折將如何

十八

昔余遊滄南曾上升天臺茲也誠玄冥萬里悲風來
松柏摧路傍玉梁安在哉舉手招王喬三洲限蓬萊
黃鶴舞高岑清雲曳徘徊嘆息長久術愴惻令人哀

十九

玉梁不可遊回登懷玉顛應龍噴白霧接我升雲煙
憑軒望四海溷悶良可憐可憐者誰子白馬來翩翩
明哲困糟糠庸子驚輕軒熾婉逞一顧力達成過愆
傾城亦何益傷哉誠嗟嘆

二十

黃塗亘東西六龍駕天車一馳濛汜間百計無奈何
彎弓倚扶桑抗手招陽戈浮雲徂我前逝鳥鳴相過
鳳凰愁丹山溟海日夜波行行欲安之念此紛滂沱

二十一

今日苦炎熱風雪可徜徉亭亭一孤松乃在匡山陽
李公宅深冥朱氏揚其芳仰身攀林巖俯之淚數行
勢路紛狹斜隨利來相戕命駕且復去誓與朱鳳翔

二十二

貴賤各有命昧者苦保持殷勤話言接轉面不可知

一言相千秋冠蓋赫來馳
鷓鴣雀鳴梧桐翕習鸞鳳
鷄鳴市朝動董生方下帷

二十三

惛惛懷坦途由之乃江河
波起旁所駭舟中如室家
中林設暗罟鴻鵠逝九阿
饒巧誠相戕飛鳥日暮過
修短自然理作色將誰何

二十四

匡山有老人自稱巖下公
綠髮渥朱顏皎若雲間鴻
往來騎白鹿姿美精內充
招我將從之心阻難遽通
流情復高翔翩翩駕天風
夙昔思此人寤言期與同

念此重枉顧德音常在東

二十五

騶虞不食草志士寧苟安
矩步揮芬芳凜義不可干
吐辭程大猷妻子常饑寒
中心思美人遙夜起長嘆
延頸望西岐欲鳴途路難
躑躅待天晨宵夜徂漫漫
明月鑒房帷涕淚交沈瀾

二十六

臨事戒憤切憤切增煩心
君子被短褐小人富黃金
璇機造變化何浮不有沉
不見遊波蛤前是簷中禽
池鷓奮羽翼倏忽四海陰
沐浴濛汜間飄颻終鄧林

二十七

少年撫長劔放浪三河濱
纍纍道旁者云是金鄧墳
歛翁隨龍飛策符登茂勳
南陽多貴人烜赫闐朱輪
委身今黃土千載不復晨
首陽有采薇餓死誰爲聞
遺義凜秋霜見者常酸辛

二十八

自聞鷓鴣鳴於心懷
憂傷陰氣馴以厲庭草
隕繁霜皁蘭萎不榮
瑟風遊素帙商游雲
晝易冥白日持漏光
登山期所思反見高台
雨翔蹠蹶豈規步訛言
倘詩張揮袂層霄間
撫劔增慨慷

二十九

昔余挾詩書京里揚鳴珂
敷藻藝林間結交聚邊何
豈云傾人城絕代耀姿華
分散倏老醜孤遊江湘阿
出攀芳桂林倚岑揮浩歌
荆榛蔽丘原浮雲一何多
靈劍有合并詠言傷蹉跎

三十

莫笑一杯水覆地東西流
人命若飄光超忽誰能留
藜藿足充饑巖巖可遨遊
衣文附靈犧莊子誠見羞
黃雀乾下庖白刃臨九州
一爲華屋吟俄頃歸山丘
脫身幸及今世事如蜉蝣

三十一

毀譽不可校校之心煩悲榮名蓋一世千載誰見之
塞翁失其馬馬歸駒來隨生死尚無常萬事誠塵灰
舒嘯飲醇酒聊與玄化嬉

三十二

窶人困貧賤切切常自悲達者競先步所苦名位卑
且榮昏暮零二者誰復知二者不可知懊惱將何為
不見曠世子埋沒隨蒿藜

空同集卷第十

空同集卷第十一

五言古詩四十首

渡漢五首

北郡李夢陽撰

好游良有殫今朝竟言歸洶洶舟下濤亂之將疇依
異途各爲趨同木相隨飛適觀千仞禽誰復瞻其揮

二

萬事雖貴豫數極誰竟猷竭來彈我劍且復三河游
迤東望濠梁慨言懷莊周黃鳥孰興篇粉榆迺見尤

三

於心懷佳山背之每自顧相逢鮮久要那得不念故
塞翁罔憂馬馬歸人始悟游女非石南千年沒貞素

四

霖雨濡我軌寒潦何滔滔墳畝峻徒悲漢流怒洪濤
思美嘆晨夕欲濟難容劫限隔豈固逃踟躕爲誰切

五

閑登古樊城回望峴首山鷄雀躍寒蓬疇念朱岑翰
小人競錐刀芒子廼探環智愚固生性融晦靡我嘆

雜詩三首

元宛春田鳩飛飛鳴柔且閑一朝化爲鷹肅肅厲羽翰

懸車耀回景夕風起喬林撫茲散沉憂浩蕩開重陰

迴翔瞻闕門躊躇思玉音宵坐焰明燭懷古傷我心

五

大化罔不虧人生固多艱汎觀疇昔人浩然發憂嘆

自非餐霞侶伊誰駐朱顏律律南山岑拂衣會當還

六

孟夏草木長垂雲一何淒零雨宵始歇西山朝復隳

兀然坐高春時聞鶉鳩啼逢辰寡宿懽履運傷前迷

既無杯中物何以寫我悽

七

飄風自南來颺颺入我懷我欲隨之翔北向三重塔
守閣遙望予閭闔何由排戚戚勿重陳危言多厲階

八

夕雲鬱崢嶸頽陽入西丘返景漏林端明我屋上樓
靜久得玄理源澄復何求永懷鄒陽子聊以抒我憂

九

苔井蕭陰森獄廟悶以清車前當路翻紅葵夾階生
羈人散煩疴紆徐步中楹時禽變好音庭柯敷夕榮
詎知沮洳場曠然獲悠情

十

士有氣相感殺身酬所知伯氏旣謝世族姓無子遺
噬炭甘若飴漆身亮何爲生旣荷君遇沒敢求君知
仇聞再三嘆攬淚惠新衣玉劔四五動左右神爲摧
愴哉彼流水迄今爲嗚悲行路佇嘆息芝蘭繞墳基
人生固有畢節義誠難虧

怨歌行

怨違情有悲懽聚理無欺懽怨非中則感離難重持
纔見春華交倏已晨露滋秋風吹羅袂團扇不復施
團扇與羅袂用舍各有時炎寒啓迭運超曠多遠期
勿徒嘆捐棄恩愛倘中移

詠古鏡

美人昔提携拂拭生皎潔用以奉君子義投物不忽
良無刮磨費豈謂遽乖絕悲故情自懣爭妍道所劣
掩抑經冬春蕪蝕怨芳節黃鳥及候吟朱蘭有時歇
推移準運理顯晦導前哲顯晦亦何憐所嘆在乖別

葑菲嘆

菁菁田中葑與與疆上菲菲托根豈誠異敷葉爲誰美
采掇女心嘆遵路勞情理鮮莖入素手終朝不盈筐
置之獨長惋枚淚沾衣裏白華肇卑薄谷風啓

使交離棄美因下體空瞻寸晷旋倏見嚴飈起
徒持履霜戒誰念禦冬旨吟嘆非貞喻托物聊在此
有夢

濡迹古梁郊托茲洪河疆流景逝不處衆草忽已霜
玄雲駭崇原鳴風激空桑侯子竟此夕念獨涕沾裳
人欲天必從神交詎無方解襟即幽寐執袂奉顏光
道暎未終已舒體各異鄉鳴雞在東壁薄月鑿空牀
精誠諒有合暫違寧詎傷

雞鳴篇

宛宛天運周雞鳴衰復旦疾者寡長寐思者多寤嘆

痛憂積中腸緒理一何亂衆人杳經營君子樂行行
高山變爲陵深谷化爲岸願從詹氏卜乘槎問河漢
馳景篇

小至方浹辰居然由寒臘澄空暮霜斂雲物恣吐納
眷念河關阻悵望三川楫城陰多悲風馳景杳難接
遙憶鹿門駕緬軫馮驩缺

時序篇

邈矣時序邁悠悠心羈思懸少歲覲飛龍振步躡雲煙
揚芬凌紫霄結駟覽黃淵玉網祇以穆四海屢豐年
晨趨謁雲陛晚沐踏京塵流觴擁華館藻翰飛陽春
逸者眷多暇壯士耻無聞徒閱芳華改何有尺寸勳
日月不我待倏忽星運移抱疴屆茲夕憮然傷夙期
玄髮難久恃母令達者嗤

歲晏行

歲晏幽陰積寒霖夕館空浮雲起城闕浩眇安可窮
悠揚橫太虛回薄蔽鴻蒙我有一叢蘭種之良亦難
飄風忽來吹零露苦相殘勸君留此草蕭艾不可寶

苦熱篇二首

大運互伸縮二儀每驕蹇陽威苟不烈陰馭何能反
避暑躡清榭杖汗望幽巖密綠曠豐林萋蕪萎女修坂

逃飲豈其性對食不能飯嗟彼馳騁子晨暮各忘返
執熱古有經愚智詎相遠何當蘇海宇余亦遂仰偃

二

伏陰會當升愆陽固有期牆茨覆鮮實螽蟴夕以哀
所虞大火流即值涼霜催軒轅製六律大舜彈鳴絲
四氣爲之和民生寡憂思古理一日云邈季運安所師
我懷良已永炎曜况倭遲願言惠清飈颯然均此施

潛龍篇

驕陰不可制堅冰憂我東陽馭以候來返玄律播陰風
譬彼晝與夜循環固難窮古人閉門行旅九市禁相通

陽升懼不力靜以收其功養木當以萌養德當以蒙
眇哉一絲微奈此群陰攻脉脉淵泉底疇能拔潛龍

孔翠篇

孔翠耀其羽迺爲俗所珍神龍處九困潛躍固有因
小人役瑣屑君子揚其芬遐哉顏閔烈千秋灑靈芬
出事金玉昆入奉堂上親恩義苟不虧豈必饌芳薰
爰聘六藝圖載泳詩書津何當繼喬木振珮躡高雲

有鳥二首

有鳥東方來長鳴向西北竦身欲縛鳥自顧無羽翼
白日蔽高陸玄陰視無極風飈晝烈烈積霰墮我側

星紀雖云周沴氣尚難測逝者一何速來者懼不力
秋杜生道左孤桐棄遐域雖懷壯士情詎補陽和德

二

一爲羈旅士遂使年歲積人情感新故慘慘不得釋
夜視天上星翳翳雲霞隔陽道即光明何由布德澤
離居多永憂悵念在今夕借問悵念誰是我同袍客
豈謂涼暄殊所嘆阻疆場緘書寄游雲會托南征翻

卧疾二首

寒飈振䟽牖十日歲華改王孫怨修路芳草若相待
寸心百慮嬰移疾屢朝昏危甌蛛網生翟門雀羅在

嘆息中林蕙望望何能采

二

眠疴感歲晏中意長刺刺展策不能讀對酒寡懽擇
晨風激幽林堅冰滿川澤短景不可駐倏忽變昕夕
飛雲迅南征歸鳥厲其翼地北常苦寒寤寐想溫域

值雪詠懷

索居倦晨暮杳杳傷歲窮玄雲爲誰屯流霏夜常風
映隙旣窈窕穿牕亦玲瓏凌高似有綴填卑忽若崇
哀多雖稱物益寡竟誰功匪無盈尊酒斟酌解我忡
途路悵伊阻佳期杳莫同握瑾惜楚老投瑤怨國風

人欲天必從精感理能通鍾絃曠易絕郢論寡彌工
持為知音說庶以折其衷

至後上方寺酒集

久陰晦昏氛我行值嘉明白日展冬耀雪霽松林清
景異賞貴延朋集杯難停入筵午未端歸騎夕已冥
衝風振巖廊鈴索抗高鳴塔虛響先奔珠圓光易傾
超物慮可澹遺榮累果輕久枉証詮理一悟得所徵

上巴海印寺二首

勞生苦役役况乃值溫陽林園有嘉榮蹊渚生柔芳
秉簡迹已陳袂襖難獨忘駕言適蓮宇迂紆陟虹

我宮延暮色陂樹藹青蒼詎知幽勝區占茲佳麗鄉
居然心境寂彌增塵路傷

眺遠及麗辰登危開我襟秉炬躡佛榭杳夕光侵
芳湖迤澄鮮幽隍覆層陰畢景沒長甸輕霏變春岑
仰瞻雙龍闕却瞻上苑林歸翼矯以翔鴻鴈多哀音
奮蔚桃李場孰分松栢森

春游篇二首

東氣散廣陌北杓指青陬美人惜春陽鳴鑣事遨遊
遨遊覽萬物紆遲駐道周京邑藹九衢合沓宣輪駟

黃鳥集于林碧草生御溝御溝多垂楊芳樹夾朱樓
卑崇冒休澤鬱哉帝王州

二

朝遊東市陌暮出北城衢夕林何嶽岑華月耀西隅
宵征泝皇垣迴策遵玄湖春冰日以薄鳧鴈聚喧呼
逶迤浦淑貫金刹據中區前有二三石梁宛若垂虹紆
却顧雲中觀翳翳蔽松榆

春日洪法寺後岡

暄陽入廣墟平阡暖煙蕪稅鞅尋高禪陟丘眺神都
白日麗中衢青霏藹林岨碧草一何萋叢葩亦已敷

景繁誰氏墳峭嶂三浮屠鑿石錮九泉雄構耀城隅
輿臺盜綺衣苔蘚封丹樞矯首視天宇剡剡浮雲徂
崇名古所欽多藏祗區區

秋日重過上方寺

居閑懷行游觸景慨時速昨來春華敷秋草倏已綠
弱蘋布霜漣叢蘭委寒陸纍果媚西陽漂擗滿空曲
物遇信縣曠情移乃躑躅夷猶步前庭迤邐陟曾麓
夕風一何厲行雲結相逐鐸音抗高聽塔影駭流矚
聿非封侯骨虛擬燕頷肉飛纓靡不榮芒屨諒應足
寄謝世上人吾久脫羈束

苦寒行

白日斂光曜北風如劔刃澤堅走鳴車冰雪峙千仞
登高望四海四海水將結蛟蛇壅巢窟虎豹潛於穴
嶺岼太行谷蒼莽陰山戎沙磧書飛霜壘門吹烈風
烏雀墮巖壁黃狐嘯空城居人掩關臥客子無復行
京師元夕有懷丘子兼憶舊遊而作

名都鬱堦壘浮雲蔭孤臺宿昔與丈人攬袂交崔嵬
延眺殊未已明月從東來俯身覽九陌車馬何喧阗
朱門競笙竿鐘鼓趣行杯詎知前代人寒隧生青苔
金珠委瓦礫鉛華安在哉沉冥日云富感激令心哀
丈人方岳裔夙質謝塵埃婚嫁豈不向子幽棲放顏坏
七十尚蛇蟄白衣潛草萊嗟余糾春綬俛仰阻沿洄
逝將親逸躅榮盛等浮灰

元夕友人見訪

春月多麗輝白雪媚其姿美哉京洛夕銀潢鬱逶迤
逶迤帶紫陌車馬驅以馳繁燈張四衢都人競遊嬉
道者便靜性俗夫乏遠資林塘枉冠蓋繾綣非我期
金波低宛轉明星漸離離清光苟不虧永與浮雲辭
月夜飲別徐氏

仲月玄鳥集蚯蚓蟠于廬榻從徐氏飲置酒臨中除

明月一何光衆星爛高虛中有參與商相望惜不舒
人生雖有權詎得常相於夷猶廣庭內惻惻摻子祛
哲人重明德邁士懷離居離居諒復合行矣慎所須

行省樹下

中林溽雨積蕪徑暑日薄衆鳥集于樾鷓鳳眇焉託
披雲矚岑觀縹緲三阿閣踽踽懷昔賢擾擾疾焚藟
夷猶攀榮柯慷慨念幽壑

空同集卷第十一

空同集卷第十二

北郡李夢陽撰

五言古詩四十四首

贈王康邊河四子

絲絲遠道積冉冉威華晏冰霜夕轉嚴星斗夜仍爛
蘭缸照寒戶旅士遠鄉縣方幸厠鱗翮詎謂各分散
岐路忽在茲山川復悠緬王子萬人特英論薄煙漢
康生千里足邁景速流電瑰瑋欽奉常秀朗推中翰
冲標汎光蕙逸思凌玄鴈所嗟異根株逝矣悲霜霰
興言念睽晤佳期阻權宴

九子詠九首

序曰九子者皆天下賢豪人也今乃合余於孟氏之堂祖行也慕義傷離悵然有感於前遊於是作九子之詠

劉戶部遠夫 大謨

遠夫振英駕乃自儀封里孟復既鷹奮秉衡亦颺起獻賦擬揚雄彈鋏笑馮子時異各睽隔蓬轉自茲始

王戶部邃伯

綏

矯矯王邃伯深心托玄素豈謂萬里空見此天馬步獨行迂流議苦志涉煩務日余駕鈍姿倘辱導前路

王職方錦夫 尚綱

職方昔垂髫邂逅在梁汝遊關匪豹隱攀邵遂鸞翥鴻詞振宛洛一一中音呂訪戴諒不惜縱鳧非所許

穆檢討伯潛 孔暉

清廟播芳嘆朱鷺激潛調沉冥會詮理刻苦光逾耀注易在今茲醴酒企餘照載吟古離詠蹇拙慚賡紹

馬給事中敬臣 卿

敬臣閨闈彥處世恒自拘朝謁金馬門暮向青瑣趨朝隱慕方朔修辭劇相如太阿不在掌非君獨嗟吁

陶行人良伯 驥

陶子三泐英妙小富篇翰至響本無聲隱璞疇能辨
運甓不云苦漉酒聊自玩解龜幸心許傾蓋荷清讌

馬進士君卿

錄

君卿素所昧密意宛相向醉酒似馬周讀書薄劉向
時人固不識古志益骯髒試覩同遊子硯礪盡英行

戴進士仲鵠

冠

南州實才窟小戴亦橫鶩探錄乃叨竊對孔豈在屢
左右佩采薺追趨信陽步傾城在夙昔贈我陸機賦

孟行人望之

洋

孟生瑚璉器英邁徵古篇而登泰夙所期望洋豈徒然

欽趨瞠顏後抗志耻盧先吾方把任釣倘借襄陽鱗

贈姚員外二首

高鳥厭羣飛孤雲恒自輝綢繆誠靡乖何必久要期
傾蓋有芳訊白首則見疑斬斬龍沙濱風波暫徘徊

二

零濛不澤物衝風夕曾波送歸念維楫眇言望江河
鴻逝摩九天蕭艾被泉阿長濤蝕孤嶼峙此將如何

別諸生漢口

大江流浩浩五日與子期風潮變旦暮六日達漢湄
人心重攸愛酬德視其施伊茲匪不辛所急非睽離

晨颺望我帆夕也宿共涯浮月每皓皓逆雲流逶迤
情淵分有窮愴子當分乖昔爲同池萍今向東西開
大別峙鬼鬼林蟬告春何哀俛首前逝波倚艫各徘徊

贈張含二首

已嚴蓬池駕遽返夷門歇商風動榮草蒼蒼雨鳴不絕
客病良易積况值變華節悠悠城西館倏爾變經月
昔至體流汗莎雞傍戶聒子也苟寧忘川廣豈難越

二

流光逝忽忽天地一何軋六月子來至月也今已八
客子悲遠道時氣以侵肅殺豈不念爾單室通泥路滑

三日兩賡歌一日一通札寂軒倚衰柳奈此夕鳴蜩
父母不下堂歸軫何時轄

送張含還金齒

百憂強自排感之輒復積亦知別心苦所奈懽愛客
迢迢西南夾嘆子此行役出雲懷舊山倦鳥厲歸翮
時情苟靡遭勉合亮奚益還道尚云遠去去加餐飯
酬提學陝西朱君以巡歷諸什見寄

煌煌百二宅懷里念前都孰無雍門哀旅役久長途
登賦時有望所苦言辭麤自蒙新什惠披玩忘晨晡
䟽越發潛響爛若湍錦舒慙亦作者未欲畫安我愚

瀏瀏回中兮宛遊秦壘陽清眉韻泱泱南山筆巍如
誰云篇目寡已包千里管讀我搖我心倘附西飛鳧
酬秦子百泉之招人等羈滯頗興延阻之嘆

五首

暑阻慮難周絃促調不緩風雩徒情嘆濯熱爲誰纂
昨枉泉上期結念在晨晚折花信延佇欲往心莫展

二

心展會有時跡乖難重期自我別林岑倏焉周二暮
物靈賞不延神往情詎移想像北池遊回繞鴛南漪

三

南漪亂渚烟北池美清連芙蓉發錦苞白石響礧泉
慮澄美莫致景入情更牽攀英遲來迹倚壑悵周旋

四

周旋懽莫同回策入雲峯陽崖口積雪六月如嚴冬
若人竟何乘孤遊邈難從倘遇仙潭鯉露我躡雲蹤

五

躡蹤誠靡尋佇瞻勞我心高高望雲霓橫絕天中岑
遊泉嘆昔女隔阻匪惟今投挑遣來使倘惠瓊華音
將赴南邑借丘長公巾車

北遊情未斂初吉復南鶩積疴畏登涉但焉憚修路

控銜力不任，執綏性有慕。願蹈高賢轍，懼在邯鄲步。
諒茲無憾心，庶慰車中顧。

襄陽篇奉寄同知李公

晨登大梁城南望，襄陽郭漢流。趨何急，樊山氣參錯。
樹高風來集，道大惟淹泊。枝沙理雖迫，召賈恩非薄。
幸且便山郡，聊遊謝羈縛。仰攀躡孤岫，俯眺聆大壑。
寒江斂夕霽，遠岩映林薄。習池宴山簡，英寮敞翠幙。
偶同携葛強，飛翰凌觴酌。歸聞銅鞮唱，行和峴山作。
覽跡驗物理，觸嘆徒今昨。沉憂亮無益，流坎任所託。

寄題隴州閻氏林亭

出處信不易，卜築豈在遠。聞君壯年日，頗此遂仰偃。
創基倚北阜，開牕面層巘。雜樹莽蒼蔚，長流激清淺。
跡異願不隔，路阻日遂晚。愉悅各殊趣，幽意不逮顯。
春風翻深谷，鳥鳥自昔甸。葉展代耕與，灌園垂老付。所遣

送張六還京口

雲黃風色歇，送子逾修畛。野風吹江樹，波水清且緊。
歸舟本自鷺，况值順流穩。金山會當聚，別暫情可忍。

送裴生京師

大江積風雨，驕陰久我仇。懷役念戈及，潢潦憂中疇。
戚戚感物慮，况子行遠遊。鬱哉朝宗心，殷勤眺風洲。

贈鄭淳

路繇家室怨久別誰柰苦荏苒及春孟水消舟莫阻
臨觴嘆河邁指景赴前侶汀曲帆易隱勞心望徒佇

贈李僉事衢

處世寡諧合營道無貞心緬邈伯牙絃嘆息誰爲音
竊祿匪我志隨風豈能任所以棄朱紱窮年臥空林
君子枉榮顧駟馬一何駁輕蓋蔭白日軒車匝庭陰
宴晤及春期列筵享同襟目快淑氣草耳聆悅時禽
有至弗徒歸觴舉恨不深末路校通塞鑿止無飛沉
託音誠匪殊在遠固宜欽願言附松蘿子其斷堅金

將赴江西寄別殷伊陽明府

引年豈必老求志不在奇曰余逾壯齡遭斥還山棲
事與北門合跡擬東陵齊滅音謝人徒四暑忽逮茲
向平果遺策謝安終徇時詎意值嘉運未照及葵藜
簡書下我廬誰遽誰得辭迢迢江西帆別當首夏期
束裝逐流潮改服團炎颶情鬱爲念故寄重慚余卑
虞絃改自調孔鐸湮誰持江漢誠暫浮匡廬寧久羈
返貞意已堅杼懷告心知

鳶山訪汪氏因贈

昨余發弋邑急霰舞鳴湍灘高果莫泝改騎凌層山

山層水復曲歲晏嵐風寒捫蘿冒嶮艱踏冰涉洄沿
日入達平夷倏覲君子關清溪交遠圳高松夾路間
遺榮靡所希時仕義乃詮未羨焚魚高頗欽竒字傳
矧伊連枝芬慰我同心蘭繆綢促宴竿曙猿響南巒
冬日撫州贈友
晨光鬱將布時嚴氣自慄陽也諒匪力厥陰無亦甚
時極理終固情成勢難寢徒然江漢紀莫制北颺凜
寒湍落孔穴霜色峻石廩甘菊冬始華赤樹介如錦
校閱纒及可勞拙遺安枕既已阻携玩胡由長芳祗
擬峴行共陟寄言備醇飲

內弟至園庄歸

逾年始及村日入復言歸言歸亦何爲景異情難持
沙禽噉噉鳴園林收暮霏暮霏轉急湍春草碧漫漫
我行已逾堤我心念猶攢志往物不隔室遠詎無端
誠乏靜者慮郊野豈徒安

內弟左國王挽歌

滔滔水東逝靡靡日西馳日馳雖更晨水逝無還期
清醕滿華尊鳴琴在旁茲門堂不改故若人竟何之
天枉獨兼今疑澄究若斯一紀周自保千秋寧詎知
情慟道與結感往志彌悲皇皇徂暑月捐我就郊岐

故築即新墳廣路席前墓狐兔夕向啼芳麻延碧滋
解缺心已許回轅痛豈欺永測游魂理徒此眩盈虧

改營外舅大夫園城

貴賤無二死賢愚同一丘明公昔謝世跡駭理夷猶
夷猶及茲年墓木拱已稠志决物可贊運旋情更酬
悽悽臨壙穴崩迫覽陰幽昔爲羨丈夫今與腐者儔
枯骨蔓草纏劔珮攢虻蟬痛沉祗愈迷神期竟何遊
名崇壽罔積露隨蕙先秋芳塵滿華屋故馬咆行輶
改園僅逾阡穿地即我謀方期粉楨成庶紆生者憂
爲惟國士遇因慟遂成謳

熊御史卓墓感述

幽幽山下江峩峩山上松壘雷繫松下墓瑟瑟松上風
慨昔與君遊並遊京華中峩峩省臺內鳴鑿趨步向
中更嘆莫偕永逝當何逢絕絃已易慘挂劍今誰從
駕舟亂回洋展墓臨高崇浮雲駭南流顧望摧我衷
德音既長已情感胡由通祗餘泣麟意悲歌傷命窮

徐子墓

晨興駕我車行行造古墓墓門一何寥踟躕以延顧
白阡修且直青松夾中路借言葬者誰漢時徐孺子
麟出諒不偶龍潛竟何以峩峩東都會藹藹青雲士

一鳴爭及時邁跡歆先軌冠蓋紛若雲車馬闐京里
鳴玉氣自振拮鬪情難已鴻鐘有競勳大策無停紀
斯人獨岑寂哀嘆勞心理

温太真墓

雙鸞識妖端一馬前休兆中原既板蕩臣主同奔峭
長蛇恣吞噬白日掩孤曜心違祖述揖事躡扶風嘯
康屯見斯人辱已存機要建侯竟誰功江介無飛旒
勳成身乃殂天逝徒心悼側惟盈縮理虛谷燃犀照
遺墳闕清千古樹寒新廟來阡莽迴鬱弭節紛延眺
載瞻徐墓邇益壯風流紹

澹臺滅明墓

子游昔宰邑邑有澹臺公非公不見宰不徑垂無窮
身歿埋豫章豫章乃城中長松何處塚石墓堅且崇
崩館晝常陰古樹多悲風九九擁基藤垂垂網戶虫
喧寂本異感慨惋當何同道伸固難滅瞻睇搖晴虹

孺子墓夏謁

懷賢意實勤展謁良已屢丰茸蔓草盛間闌夏禽嘯
野斂延竹戶丹華綴高樹徘徊想故榻留連果誰遇

孔廟松

夫子廟前松童童一青蓋盤擎若蒼龍借問自何代

靈籟度笙竽古色積烟黛森翠中鬱彼風雲會
絕勝講壇杏應並闕里檜

犬詩二首

警夜力不贍逐兔非所任吠花春院閑戲草日移陰
家貧稱戀主時乖堅始心

二

吠厖聞昔詠走盧欽故石遊園方載儉重鉤寧自行
發踪難可遇霑草空含情

詠信州茗和鄭子

厥草有佳種靈味固無匹豐內謝華幹卑叢類謙抑

陽和散林彩修修吐英特濯影金屑泉敷芬玉齒
完馨重伊始溥露浥其色采掇屈柔腕製之成我德
三緘附貢品遂入君子食入鼎沸銀浪隨風可傾國
滌煩古有經通仙詎堪惑

空同集卷第十二

北郡李夢陽撰

五言古詩四十七首

余懷百門山，水尚矣頗有移家之志。交春氣
熙忻焉，獨往述情，遣抱四詠，遂成示同好數
子。

魚連蹈東海，介子逃西山。方舟信超越，巖徑安可攀。
揚烈猶靡懲，置金徒嗟嘆。伊余秉拙訥，薄遊及茲年。
急湍有奔桴，迫路無停轅。慘慘滄流月，悽悽沙塞烟。
徒欽靜者意，未遂同袍言。偶耕慕龐公，岩棲景焦先。

捫衷諒有持顧已竟誰諉復來感方寂解作憂更牽
抑心二十載始別金門還積疴謝人徒頗與踈遜便
眷茲丘園榮豈羨場苗篇

二

浮海傷固窮逾河嘆誠邁濯纓萬里流高視九州外
功成奔運徂氣至流飈代淒淒秋柯零冉冉春條媚
周覽倦河壖孤悰冀岩瀨道以沉寂超賞與崇深會
豈惟超遠情亦因謝鹿籟聿想山中人風吹女蘿帶
折麻凌險岵采秀越_木森蒼會眷彌志終申獨徃竟誰礙
亭亭太行峯_{堯堯}百門對抗手別故懽乘雲美烟澗

三

閱圖訪名竒欽蘇門山危峯羅縣牖積石噴鳴泉
情吟激衛女嘉遜招古賢出遊結夢想神徃理誰詮
連岩旣鬱紆迴渚復懸芊猿吟曙霏豁鴈泊暝陰還
杖策躡丰茸解裾濯潺湲仰視遊雲翮俯察戲藻鮮
覽物旣幽存撫化懷宜筌况逢春華交更此眺孤烟
畢婚非達生一嘯復何言

四

山客戒明發朋故來攀留岩潭窈叵測險徑增離憂
曰余負幽僻誦古歆遠遊陟懷康樂屐浮美鴟夷舟

探討傾子長浪迹多阮侯若人不可作瑤草竟何酬
事往悲易深情存道難侔以此激孤詠喟焉睇滄洲
安波有覆鱸坦路無全軌危虞豈在岌薄劣終見尤
願附綠蘿緣未與棲者儔

自太過渡河趨陂沙岡

凌春遠行邁游目恣沿越漸辨林中曙遽失霞上月
觸物誰爲情悲嘆曷可歇載登隋疆場况眺宋城闕
陽坡散初柳陰曲峙寒雪只此判氣候豈必殊燕粵
潜潜濁河駛爰爰辰風發揚帆截驚瀨倚棹望雲髮
鳧鴈眇難即汀蘭萃堪結美人旣莫期天路復

陂岡鬱參錯岸沙皓明滅日暮孤雲興何以慰忡
陽武詠懷陳平張蒼遂及博浪之事

玉璽戒不力金鏡淪無光大人旣龍興烈夫亦鷹揚
伊人各乘時矯若孤雲翔韓椎豈在屢秦氣日以喪
六竒佐揮戈五運開靈昌時來屠沽奮跡徃英雄傷
平生冀風期况乃逾故疆灑淚越修垆含妻遡河梁
古墳密嶢峴春沙鬱茫茫徒瞻松柏路詎申椒蕙芳
遺榮竟何尤任智終自戕羨彼赤松遊援筆即此章
覽遊百泉乃遂登麓眺望二首

東髮懷幽竒覽籍冀有遇來登百門泉果協佳勝趣

比比圓波踊藹藹浮陽聚止坎渟泓冽激石迅湍注
昔聞滄浪濯今解川上喻豈惟傷衛歌兼以發蒙慮
况值春序中群物已改故菰蒲冒清深鱗介各有慕
行羨浴渚鳧靜對栖雲鷺巖石霏空潭影林藹變朝暮
極目北上帆朝宗感游寓

二

發鞍憇林木杖策陟陁峴巖連嶺參錯洲曲岸迴轉
白日麗蘭薄原綠靜如洗嘯臺既清峻行窩更幽緬
慨念昔時人瞻望淚已泫薜荔夕搖曳蘿徑復誰踐
碑板半磨滅石門積苔蘚代異道豈隔事邁迹空顯

獨采石間秀眷此何由已
飛逝鵠無卑音潛蚪厭汗淺
曠哉古今意難與世人並

登大梁故城

登高與處卑由來慮多端
登高尚寡悰處卑焉能懼
以茲歷荆榛寒木躡巔岼
土壕帶陰風樓櫓危急湍
巖岸苦崩奔葭葦何溈溈
周望鮮故物俯察多憂嘆
潛魚茸其鱗鷺鳥無停翰
雲浮誠不任淵沉諒何難
終附岩穴棲斯地非我安

德安趨潯陽

始征晨風息雲流日色展
登陸艱且遊厲澗一何緬

維時仲秋交颺林巖卷綠竹垂我車丹花映行轡
冒巒維有松繡石盡成蘚攀牽雖多恍巨頓乃勞倦
日中迫廬岳蹊徑愈回蹇雲湧連遙嶠雨暗失近巘
奔崩萬壑會嶽絕一徑轉遽訝川梁沒幸遇石瀨淺
道以習坎利用待既濟顯介石諒益固巨川豈遂眩
誰哉能豫謀隨寓斯可遣

宿圓通寺

曉發蒲亭邑暮投石耳峰僕夫困露濡山雨猶響松
茲壑况深阻顧望惟溟濛幽岩託層房豁然臨候江
竹修苞北基巖峭垂南牕俯觀臬戶蘿仰聆走簷

挹此暫足遣逖想情難降陶公有遺墳黃子留孤踪
通止良固殊羈縛誰爲踪坐聞吟猿瞑祇令歸思忡
釣臺亭成

颯颯風礪瀉纍纍山石峻卜構倚岑削簷楹闕奔迅
俯之纔一壑仰面已千仞訝游竟日夕載色掖英俊
故杉改新蔭魴鯉况充牣本輕任公釣詎慕庖丁刃
素鱗梟延蔓商氣斂芳潤臨深悟邃奧覩逝識大順
却笑矜名子羨魚一何吝

臥龍潭

出遊青天礪遂至卧龍潭重岑上無極白日蔽寒嵐

巉峭詎能步岌絕誰可探歷石誠巍倨捫壑驚訝
我行值秋季霜藟搖匡南午攀日忽夕足倦情逾酣
雷深響岩澗孤花媚澄涵撫似悟命意循跡想名庵
庵廢人踪絕岩剝文半滅世異坦道塞慨茲忍能說
白鹿洞徧覽名跡

情高忽凌厲步健輕巉緬葛弱亦須捫崖滑每獨踐
涉清愛重屢探阻遺驚眩始茲陟五峯遂憇松下巘
岩桂紛始華石耳翠可卷追想白鹿跡伊人竟何遣
觸端緒自憫薜荔况在眼慨嘆意莫置願望日已晚
夕湖浴岑峭流光滅蘭坂命酒寫幽獨鳴琴且游衍

始至白鹿洞

曠哉超世志緬邈平生思鬱壹有名跡久注匡山陔
南步枉嘉命果諧夙所期仲秋出石壑清宮館復在茲
白石激寒湍岩蘿裊空基黯傷淅心者往密慚來者追
性同道豈隔途異理空悲興言懷小昔賢日竟眺前岐
榛荒徒鬱紆林菴一何采感情匪哀嘆聊詠昭言垂

陟嶠

伊昔謝銜歸志頗諧綸釣甘迨河上跡切慕蓬池嘯
孰知紫芝慮竟荷青雲耀值秋歷江郡弭節登廬嶠
沉深九疊秀峻極千峰峭錦繡亂岑嶸晨夕改觀眺

晶晶游氣斂皜皜寒日曜飛瀑信雷邁奔峽還龍躍
躑遊遽忘歸久住輕時謂天池絕亦捫石鏡拔可照
矧茲二三子芬馥含清妙霜嵐澄西夕從歌傲希調

廬山秋夕

山壑寒氣早日夕風色緊火流桂竹歇霜至蕙草墮
蟋蟀集澗館禾委被疆畛物感憂白日攢排遣情詎
年徂身與衰時棄世所哂躊躇夜不寐起坐萬念紛
崖傾月西流嶂曙松猶隱噉噉露吐珠啼行行采芳苗

落星石

千江勢欲倒豨門支孤嶼輝輝雲崖映洶洶湍瀨挂
霜水落丈餘石角露齟齬探竒犯焱涉停旄挈賢侶
寒裳入松寺倚竹望風渚崩奔亂帆下蔽曳波鳥舉
秋空澹明澄浮山互吞吐靈根合道蘊曠蕩豁徧阻
貞靡亞砥柱險可並灑灑不聞未嘉勝祇因謝公許

泛左蠡

辭山意不悅水泛暫可樂微風逗帆席日竟展光耀
揚歌蕩溟昧鼓柁極窈窕指顧異晨暮俯仰改觀眺
出沒湖中山明滅海上嶠素輕左蠡險今覩石壁峭
謝屐久已蕪陶磯寂誰釣解吟松門詠令人發悲嘯
騎登謝址復舟觀于石壁

奮鷓有奇翰古鐸無追響游雲跡易滅鳴世情難想
昔吟瞻眺詠今覲湖中賞松門既岑峙川冰深以廣
昏旦候自變伊人竟焉往岩剝徒空嵌堂基鞠爲莽
扉徑不可識悲愉異今曩石壁屹寒岸葛崖嘯翹翹
攬馭意已極登舟祗彌憫抱茲久延佇遵渚路回枉

南岩寺

岩高屯屋巨谷邃至跡罕仰之訝天缺登頓徒雲滿
木零鶻巢露松冷猿嘯緩一滴聆不厭五級裊可踐

赴懷玉山作

始臨清溪寺不謂茲路艱崎嶇踰南嶺轉見山鬱盤

重陰起北谷凍雨響前巒志定邁孰禦勇往竟孤攀
挽葛接懸杭架木凌飛湍律律岩壑變颯颯嵐風寒
隔港望絕岫亭亭已雲端

至懷玉山會起書院

冒險登雲峰雲湧風不卷淒淒松霰響濡濡竹露泫
沾塗意已困觀構色頗展故堂改頽制新築負幽巘
伐材但旁谷巖石况非遠清渠激修溜巔敞曠以衍
偶至若期遇天定固良鮮仰止古有訓靜成力可挽
祗虞遊業子捷徑爲世完

薛家樓宴

閑遊北城隅俯視清江郭洪川帶名都形勢自相錯
樓觀鶻鸞鬱街巷紛以漢北城良已高况陟城上閣
輕裳拂倒景飛檻矚天樂夕山一何蒼夏潦彌井絡
衝風激回流玄雲駭難泊暗觀逝者危遂悟居者樂
慷慨亮易感捫心果誰惡夷險非我爲彈劍且盡酌

曲江亭閣

纜舟金華潭遂陟岡上閣蹊徑阻紆鬱岩水光參錯
夏林一何清餘雨浙未落高覽景自異况值晚霽廓
夕日明錦湍歸雲擁華薄近山幸蒼翠遠嶺復岑崿
曠蕩感遇寓俛仰嘆今昨不見往者悲祇覲來者樂

顧瞻大江流愈恨代謝速源湧竟誰禦謙守諒能曲
所貴遺榮名覩義願有勗

發豐城屬江漲風便

午晴發豐邑挂席溯修瀨潮起果諧志風助利擊汰
棹歌落日上游目波嶠外巨川信易涉貞固乃宜戒
武陽抵進賢

大宇流玄化生情互陰朗積霖夜猶注寒陽朝遽生
肅肅晦色斂晶晶川水廣楓林一何赤沙嶼鴻競往
涉河歷紆鬱登嶺暫停鞅撫江信縈帶鐘陵氣弘敞
荆俗雜澆厚徵賦則邦壤佩刀豈民性剪戮嘆幽枉

自南康往廣信完卷述懷十首

越旬不出門所值疑初靚長湖迄華岳融景遞澄秀
鼓柁聿行邁覽物每欣邁飄飄順帆風透遲歛雲晝
鳴鶴矯豐田文魚駛閑溜有生孰靡適時及異榮疚
彼哉吾豈仇乘運視所受履茲良已快迺餘足云究

二

迅風會高雲逝逝曷能已朝聳冠劍馳夕暮遭繫繫
榮辱邈何因嘒嘒昧成理湖程莽復闊灘溜于春駛
肅肅東驚帆晨夜不得止仰睇啼柯猿俛傷躍清鯉
一言季布召斥以一言毀從古誰靡然寄語求金子

三

金閣簡英二備玉書托紀綱絲言一何諄黜佞掄圭璋
澄清有夙係攬轡誠慨慷聿茲歷三始矢志千載芳
風波駭非立忌多口亂否臧九閭眇以玄欲扣六翮傷
所司專愛舊威刑喪厥常彼方聳輕蓋寧知嗟道傍

四

淵雲諒殊性予豈經世儔馳驅二十祀學宦寡諧謀
昔斥還三河誓言永林丘靡堅今咎誰畜志竟莫酬
在難歸貽阻眇焉痲前修陟崇望波嶺翔雲駭西流
春羽振桑榆念之心形仇東祖嘆伊始懷哉俾無尤

五

朝離傍羅浦東至龍潭宿戩世候明發獨寤守空曲
宵晝有常理欲往不獲速多慮良攬眠強置復攢觸
起立萬動寂湍響應鳴谷驚風臨岸激高月散春木
絮雲吐岑岫玉繩低以屬慨哉復奚道徘徊至天旭

六

一氣噫太虛吹萬良不同伊余就幽役春序奄巳中
芳辰下霜電寒暄乖故風北柯沮靡榮南林曷由豐
臨門翳孤松悠悠慨初終張儀相六廷虞氏哭途窮
首陽之長薇洛都鞍馬雄天定俟何時詠言摧深衷

七

雲和易成霖羲陽一何冥淹哉沮洳區佳日閉我扃
覆瓦僅蔽牀頽壁支數榑淩颺驚中帷電霰時復零
天道有常乖萬殊誰竟寧子期久已徂縱陳孰爲聽
當道有豺狼瑣言訾螟蛉習坎固終利從茲倣無形

八

靜居百慮屏孤樹迺牆隅奄茲華葉更搔首睇淹如
時雲布靈谷天令震高衢霖潦灌百川萬壑寡安魚
東京構黨禍郭子逝于于伊匪三顧勤孰岨南陽廬
涼燠非力排裘葛從所須龍蛇翳厥身孔贊寧我諛

九

赦者小人幸臣誠小人儕匪圖軒蓋榮山海有奇懷
禮法無復拘評者靡我排思夙慕華貴振鞅登要達
烜赫豈不快寤寐憂所乖識幾此不早今戀非鄙哉
乘桴越洋濤采蘋剛及春滋于焉可佳客龐叟心所期

十

一夕復一辰倏忽春務易雲葉布豐林蚯蚓盤我壁
田實仇片言怒一何赫笑謔有白刃千載乃露跡
倦茲掩陳記出戶睇高翮積譴聆民誣欲采不可譯
英駢振飛軋出入勢輝奕哀哉彼何子躊躇祗沾臆

廣獄成還南昌候了十首

一淹經六旬揚舲復焉極脫然雖靡由事事嘉可即
依依春功奏朗朗維百友逼故茲波與嶺觸目異前昔
逸雲散歸雨川水浩崩溢挂帆趁風溜覽岬湊悲澤
昨猶罝中兔今爲頑林翼邈言念先古展矣我心獲

二

直木防見伐茲言豈我欺若華耀四海孤邈疇見知
莊鷗運池溟舉翼九天垂風積苟不厚中路將安期
嘆息竟何語俛視川波馳溢霖驚洪濤千載固厥時
燕石一何珍有驥不自持野颺激靈襟逝言惋長岐

三

時至鮮枯林朱蘭被長坂臨嶠觀賢跡停楫暫遊行
靈雨吐葛花柏葉已復展佳哉溪上邑流峙亘而緬
岑岑徐巖秀飛泉洒丹巘岩亭交景風裾帶時自卷
居高乃慮孤涉歷悟攸遣枚枚三陸宮千秋竟茲顯

四

餘干濱巨湖厥土曠以浮津驛暮何囂避之泊南丘
遣子省其母析權詣江州明星波洄洄欲發仍復留
有端肇絲微涓涓遂成流拊心實罔慚患來誰誠謀
紛綸及今茲事已遙尚憂志士常苦貧饑渴無我尤

五

昔遊東山日覽古故軍新宮徐令實經營絃誦溢其中
閱茲奄三年離滯心莫同我舟非不維柰此西逝風
乃子胡德余于邁志之從公朝旦發龍津暮棲依瑞洪
湖山沒如拳波途浩難窮佇瞻有深懷貽謔勒堅崇

六

夕棲瑞洪渚遙覽渚北山相傳洪崖子乘雲自此間
履跡今尚存其人邈莫攀粵余登征途頻年涉間關
毀譽一嬰心寤言多所嘆於茲誠踟躕振衣躡前巒
泮水莽浩浩驚風蕩回川欲濟惜無梁飈輪儻中還

七

登艦倏五日覽接漸增闊
 洶洶北注川瀏瀏得縱壑
 劇哉風水慮履順故靡豁
 高鳥厭塵集智士貴處末
 交甫懷漢濱婉孌情遽奪
 結駟匪不侈險至誰竟渴
 沉身厥亦罕萬世惜不脫
 遙遙哀雲岑瑤草爛孰撥

八

明晦每無常人道豈不然
 歸雲徂靡餘日華耀清漣
 戚愉繫為誰喟然想千年
 姑蘇寵宰詔越孤辭會山
 梅將輔番君范子逝不還
 乖歲君子貧枉尋矜大賢
 時霖潤萬物蕪蕪乃同妍
 東門可棲遲歸歟聿奚言

九

陽鳥逝無餘觀者鴛與自
 凡青青澤淑毛刈之糞誰舍
 經過門當年云茲夙屬吳
 歸命喪厥儀長雲奄西徂
 梅牀竟空言金陵乃以都
 桓侯威八州溫氏闡雄圖
 聆言愴我衷徬徨感終初
 混一今其時舟騁非爾虞

十

仲冬別豫章涉夏茲復臨
 涼燠殊厥時能不摧我襟
 樓觀蔽泰清衆木凄以陰
 倚梳涉龍沙優游眺洪深
 魚鼈潰驚流瀾駭遂至今
 中有尺縱鳥振翼回哀吟
 波阻杳莫即馳景忽西沉
 抗手自茲辭萬世懷飄音

空齋集卷第十三

空齋集卷第十四

北郡李夢陽撰

五言古詩四十首

禘祭頌述

弘治十八年歲除日作是時 武宗初即位

嗚呼大聖人肇迹或漁樵蒼龍戢其角志固無丹霄

德祖始側微濟葉開 皇朝禮蓋視后稷面南統羣

昭大哉九廟儀親盡敢不祧再遷及 皇熙世室闕

以寥袷辰復來集鳳凰鳴簫韶惟 皇率百辟孔祀

自今朝白日照寶旂御氣如絳綃將將磬筦鳴颯颯

靈旗飄恍惚帝醉飽諸王亦飄飄下有開國勳偃蹇
羅金貂愚臣叨對越精魄爲之摧鼓鐘送羣公玉戶
風蕭蕭唐侯昔踐位十八號神堯 皇實秉敦默龍
性無逍遙道合天人際志與神明超降祉倘冥漠四
海無征徃

清廟篇

巖廊肅文欽芳區恣幽騁寬糾豈異性拘曠本殊境
嶽岑路寢東森踈嘉樹靜珍叢媚朱夏秀幹揚修景
曳裾羣彥集柱笏萬慮屏仰望南城苑飛除帶崇嶺
晶崕白玉閣要眇黃金井季主飾觀眺哲王擯遊幸

自非淵聖姿誰保天步永

丙寅元日朝退有作

赫赫大明朝皇皇啓八葉諒闇在冲齡憂勤績洪業
真人改革殊屢覩禎祥協春王肇元載萬國咸臣妾
端冕御茲辰縹緲仙雲接神飈翊紫蓋翔龍舞浩劫
哲后畏天威惕若春冰涉古編昭日星有躅尚可躡
大哉五始義允矣三陽浹

從軍四首

漢虜互勝負邊塞無休兵壯丁戰盡死次選中男行
白日隱磧成胡沙慘不驚交加白骨堆年年青草生

開疆勅未已召募何多名蕭蕭千里烟狼虎莽縱橫
哀哉良家子行者常吞聲

二

從軍日已遠備茲途路艱驅車太行道北度鴈門關
天寒雨雪凍指墮曾冰間登高望虜境白沙浩漫漫
單于數百騎飄颻獵西山殺我烏王弓赫然熱肺肝
安得奮長劍一繫名王還

三

別家亦云久昨得家中書書中何所云父母與妻孥
昔來柳依依素雪今載塗豈不念還歸天子西擊胡

登山眺故鄉存沒兩嗚呼丈夫死國難言安能戀里閭
生當取封侯怨別祗區區

四

久處行伍間漸知苦樂情能蟠丈八鎗一徒御不我輕
府帖昨夜下燒荒有我名秣馬待天暝以肅肅寒霜零
左韃插雕羽雄劍躍且鳴日高渡黃河以東過受降城
所羨在滅胡富貴何足榮

屯田二首

葉落歸故根孤雲有時還凶年間里盡誰門今幸全
全者自何歸皮膚半不完百租叢其首以欲訴誰見憐

吾家十八軍獨我猶從戰昨當戰交河左臂貫雙箭
本不識犁鋤况復千畝租三訴吏不語鎖頸投囹圄

二

日落蒼天昏奔馳吏下屯揚言科打姑以論丁不論門
老軍出聽卯老婦吞聲言邊城寡機行耕種育兒孫
誅求餘粒盡竭力豢孤豚昨當總管求宰割充盤餐
言既復長號吏去收他村

塞上雜詩二首

邊烽日夜至飛符來會兵羊牛入高砦鷄犬皆震驚
壯士按劍起鞍馬若流星鎗急萬人靡笑上受降城

生繫五單于歸來獻天庭

二

胡兒追野馬迸蹄若驚鴻一馬帶雙箭墮我邊壕中
敢望不敢近踟躕各按弓抽身復北去天寒沙磧風

功德寺

宣宗昔行幸遊戲玉泉傍立宇表巖嶠開池荷芰香
波樓遞颺香風松奏笙簧百靈具來朝落日錦帆張
萬乘雷震動千岩滅流光綺繡錯展轉翠旗香低昂
法眷撞鐘鼓宮女拭御妝笙鏞沸兩序星斗宿岩廊
至尊奉太后國事付三楊六軍各宴眠百官守舊章

巡非瑤水遠跡豈玉臺荒嗚呼百年來回首一慨傷
鳳騰赤霄暮龍歸竟茫茫山風撼網戶紫殿生夜霜
退朝值休沐我行暫翱翔娟娟登岸林慘慘度石梁
廢道哀湍寫松柏間成行啓鑰肅覽歷過位增悲涼
積久灑掃缺乳鶴鳴膳堂舊時琉璃井倒樹如人長
神已佐上帝教猶托空王鈴磬颯鳴晨昏禮相將
盤遊非聖理操縱在先皇至今朝廷上不改舊紀綱

翠華巖

洞窟耶律詞其名翠華巖俯視聳觀閣仰面攢松杉
厥維何王代鬼斧開嶄若精氣久削薄烟嵐鬱相攙

屢憩驗足藉獨往悲情凡入蘿畏石隊轉嶠驚日銜
飄飄萬里風吹我秋衣衫放迹慕康樂入道懷賀監
載思武陵避愈悵桃花畝去住亦由人極目江上帆

望湖亭

來登望湖亭始盡覽見歷妙布席倚岫嵌波望領佳要
山花落天鏡鉤簾巨魚躍巖潭遞隱見圓浪浴奔峭
岬嶽百萬閣日落展光耀羈縛阻延放臨淵羨孤釣
霜寒葭莖白沙晚鵠鶴叫吾非阮生倫於此亦長嘯

呂公洞

厓根豁一門恠石相撐拄鶴舒自吞呷白晝亦風雨

陰處汎清泉積苔蔭鍾乳往聞茅山勝夙慕華陽主
路遐限孤往倏歷十寒暑經亘騁心目小憇借道侶
茲洞雖入境固足託茅宇惕然忽內咎我何戀簪組
香山寺
萬山突而止兩崖南北抱鑿鑿翠置殿榭級石上穹昊
高卑各稱妙曲盡結構巧有泉如線縷盤轉出松杪
嗜竒忘登頓緣危肆探討險絕逼牛斗蕭颯若風島
夜宿來青軒天色碧可掃湖沙靜莽莽海月白皓皓
想當邦邑初此地只蒿草綺麗仡誰鑿巖壑爛相裊
但看全盛時民力爲茲槁

平坡寺

西山萬佛宇爛若舒錦繡平坡憑風迥突出衆山右
宮閣因巖坳面勢巧相就百里見琉璃巖嶮戴雲構
朋遊探絕迹杪秋歷羣岫得此日力展恍疑出氛囿
仰看北斗逼俯恐東海溜雄壓香山麗闊掩望湖秀
落木響巖牖寒嵐染衣袖延緬古今并佇立悲慨湊
盛葉慮反始危基有傾仆千載誰復臨逆想蓬蒿茂

天寧寺觀塔碑

舊瞻天寧塔今覽天寧寺茲塔多思惟光芒夜夜至
不知何時殿結構今頽棄剔蘚讀其碑識是隋文季

崢嶸半剝落蛟龍猶罌我來值時暮攬逝發潛喟
修陸控趙代長山衛燕冀蒼然野眺合一灑楊朱淚

鏡光閣

我生走紛境性意苦不適
馮來鏡光遊不覺祇樹夕
鳥藏丹閣暮蕭械枯葉赤
否如這巖壑聞其寡人迹
其王戴金冠天子之所客
迂我蒼苔下坐我紅罽席
落日入虛牖窈窕雲光白
團團石蓮燈照耀錦繡壁
忽聞鈴磬發轉悵俗務迫
和靜躁本殊科利義各有癖
伊余竟何爲奔併阻行役
乞君摩尼珠一照幸不惜

媧皇墓詩送喬太常

正德元年上以卽位遣官禮百神

伊聞女希氏奮迹鴻荒日神功義農並吹簧
豁陰鬱鰲極本寓言蛇身竟恍惚遺墓趙城側
古廟松杉定霍嶺峙嶺岼汾川眇蕩瀟穆穆秉德臣
肅肅奉瞻謁祈靈泝遐躅明禋備精物天雖積清氣
運久恐漏闕徒煉五色石寥廓詎能越送子顧周道
俾我心於邑

三忠祠

憶昔漢諸葛龍起荅三顧志決竟星隕嘔血爲軍務
鄂國與信國屹屹兩玉柱殺身不救國寃憤水東注
往事勒鐘鼎新廟傍官路慘慘冠劔並凜凜生魂聚

翠旗晚明滅往往鬼神駐懷嘆各不申翻然向烟霧
我征久奔迫過此感傷屢時來展肅謁繫馬門前樹
香臺野歛上羅幔虫蟻蛀烈士爲吞聲清風激頑懦

良嶽

城北三土丘揭嶠對堤口黃蘆莽瑟瑟疾風鳴衰柳
云是宋家嶽豪盛今頽朽我聞帝王宮東京實罕有
鑿池通嵌竇移山媚戶牖岩業樓觀合歛吸風雷走
巖陰翡翠吟海窟蛟鼉吼燕趙矜麗人搜剔充妃后
右臣互沉酒斯道詎能久嗚呼花石費銖錙盡官取
北風卷黃屋此地竟誰守迢迢五國城二龍回其首
向使任忠良邦國得滅否余來值寒暮悲歌坐林藪
狐狸竄古壘破瓦沒藜藿孤城峙我前蒼蒼日將西

天馬

天馬從西來汗血何歷歷天子顧之笑置在黃金握
嗚呼神駿骨草豆日蕭瑟瘦骼突碑兀銜轡掛在壁
白日涕至地青雲志拋擲朝望竭石津夕眇流沙積
猶能肆橫行倘君賜鞭策

古意

有鳥何方來哀鳴向西北我欲縛此鳥天路險且棘
悠悠浮雲行照我暮顏色丈夫重幾微男兒死邦國

長鯨一奔逃萬網不可得平生反掌志對此空嘆息
亭亭特生杜道傍皖其實孤桐雖良材棄擲處遐域
而余竟焉往嗚呼淚沾臆

遣興二首

金陵固麗地幽薊亦名城皇天作南邦北斗開瑤京
萬國梯航入宮殿造泰清大哉帝王居海岳自環縈
禹功肇胼胝湯也勤四在煌煌肯構訓聖人垂其情

二

四海爲我土九夷盡來王貢琛至北戶北至玄谷陽
八祖秉天鉞血戰開其疆當時受命佐一一皆忠良

時倚日月萬古瞻騰翔乘運雖有時盛業當自強
歲暮

軒坐意悄悄感此歲年暮一氣有肅殺昊天縱霜露
衰容搔萬物日月立復度赤驥初長成自謂中君御
揚鞭過都市萬馬不敢步天寒草蕭瑟側塞在中路
良辰不再至我髮忽已素不見古賢達盡被名所誤
沉吟惜蟋蟀延佇羨鷗鷺終然托遠適餘者豈足顧

苦熱

伏陰固當奮亢陽乃逾緬嘈嘈蟪蛄鳴樹杪風不展
上天收雷雨萬物沮沾洗推案忽大叫蓐馭何時返

赤日厚地裂揮汗無晨晚古時有虞舜彈琴理驕蹇
軒轅制六律四序無乖舛何當挽二聖吾欲遂仰偃

十五夜

夜陳芳宴會座有離羣友中秋而無月何以慰尊酒
賓主慘不樂周席盡回首向黑明鐙入雲景爛虛牖
尚覲光破滿時問陰薄厚呼哉至精物汝亦蒙此垢
上天悲隔遠人生怨分手月既有開塞吾寧息奔走
霜露棲蔓草疾風下高柳勸君聊盡觴居諸亦何有

十六夜

四海蒸爲雲三夜皆天風他方縱有月不照長安中

十二樓戶牖擊玲瓏貴家金張徒高宴開幷幪
華詞代明月何必光遂通夕露久已晞懽娛良未終
迫寒涼有殊盛衰寧見同悠揚雲中魄旣滿還自窮
鬼神惡盈踰天道懷其公

十七夜

幽意竟不愜待月坐沙際久陰固當豁明月忽墮地
桂枝沒半輪蟾兔職業廢姮娥飾粉妝愁絕雲樓闕
鸞憂不解舞竟夕掩孤袂崔嵬黃金闕何由訴天帝
景破力不敵光滿雲仍蔽徬徨步林樾爲爾一流涕

小至

日爲衆陽宗來終成謝代來之生萬物往以告成歲
亭亭羲和駕建此南飛旆雙龍服偃蹇流雲翼其外
和風卷凍霧重陰颯無賴樞知化工幹冥與天意會
大君肅嘉禮君子幸亨邁誰能助新陽爲我激靈籟

贈徐子

偃王世蕪沒石麟亦埋翳徐子發東吳英論有餘地
龍遊滄波阻日出浮雲蔽嗚呼獻玉士竟灑荆山涕
光掩明珠棄寵奪西施廢古來共如此不獨君遭際
余本澹蕩人傾蓋託末契酣歌繼旦暮醉酒無陰霽
爲征蓬散吾豈匏瓜繫在昌時南陽宅回首成迢遞

蹈海有夙期與子自茲逝

七夕遇秦子詠贈

皎皎河漢月照我西南樓七夕遠賓集置酒城東陬
展席對雙星盈盈隔中流豔豔靚妝女欲濟無方舟
神爽即易合茫昧竟難求明明君子德寡妣誰爲仇
豈無采唐約失身良見尤人生信齟齬世事良悠悠
不見古時人皓首猶公侯葵藿不餓死富貴安可謀
願繁場下駒盡我盤中羞我今爲秦聲子也當吳謳
酣歌達清曙臨分贈吳鉤

贈王御史

夕寒風自起集雪耀中宇明月一何速早已爛芳醕
邂逅我蘭友設尊款清語連翩忽竟夜悲嘆爲故侶
瑤華雖莫折羽觴時復舉念昔青年日共矯凌風羽
啄食九天步宿必華池渚中路更險艱風波各失所
大明盪妖氛迴光蔭衰腐諸賢既連茹王子豈羈沮
餘生實自慶追念良已苦概促廣陵散愴惻山陽旅
事諧終合并感往往徒心楚棄置且安寓懽娛弄尊俎
酬伊陽殷明府追憶見寄

弱齡負竒節志欲凌海岳白馬金陵來遊戲宛與洛
出從七貴飲醉調五侯譴妍華不見售讒巧恩愛奪

涼風卷團扇世路隨飛藿謫居宰山邑頗喜占名郭
川嶺鬱蒼林芳烟雲日噴薄况當素秋霽清霜掃天末
龍門既踈絕伊水復澄豁啓牖眺飛泉據案望岑嶸
獨撫巖中玉今遙枉汴上作懷賢諒在茲感舊但如昨
徒然佇玉卮未果偕緱鶴終期謝紛袂携手向嵩岳
與殷明府期嵩少諸山不果

旅寓限崩迫迫騷屑隘煩務向來嵩少約屈指謂日暮
豈惟攀時立乃兼欲展秋步僕夫戒衣糧車馬亦充數
胡然泥行苗迺遂此嘆乖選峩峩雲中峯阻爾獨何故
佇瞻風嶠穴天側耳石泉注夜來逍遙夢忽落嵩山樹

空同集 卷十四 三
三
三
纍垂松猿漱澹池岩姿露存已超彷彿醒若涉顛遽
彼美眇何許茲端愴難屢采蕙思及晚我疾畏晨露
烟蘿四時佳春服易爲具河陽羣葩發振策冀有遇
酬秦子以曩與杭子并舟別詩見示余覽詞
悲離愴然嬰心匪惟人事乖迺信手二十二
韻無論工拙并寄杭子

憶年二十餘走馬向燕甸縉紳不識憂朝野會清晏
嗜酒見天具憤事獨扼腕出追杭秦徒婉婉夫采翰
探討常夜分得意忘昏旦雪雨亦扣門僕馬頗咨惋
歲蕤香山閣首萃蓬萊殿登頓窮日力延攬侔壯觀

孔翠不易馴人生本無泮蕭蕭田中蓬隨風各分散
杭生比適越秦子遊瀍澗南北兩文星光芒亘霄漢
余衰更乖謬挂一每漏萬夙遭青門斥差勝黃州竄
偃息於沙澤遊遨傍河岸秦也雖共區累月不一見
秦實困勞冗余亦怕梳盥何況阻疆域杭也江之畔
怍怍睽隔積鬱鬱歲年換無計脫煩促轉坐迫滋蔓
再讀並舟篇愈切山陽嘆誦言各欽德悲離古所患
暮春逢林子邂逅殊邦念舊寫懷輒盡本韻
赤驥奮途路神龍厭池沼不登泰山頂豈見衆山小
明公昔際遇志與青雲香爛承夕扉詔畚苦司隸擾

君乎實憤切軒然爭臣表朝野凜生氣樹鮮安巢鳥
名孤衆毀集竄薄憂心悄一投海濱郡遂守荒江眇
遼遼嶺南國借爾揭文旒中天行日月曼曼孤鶴矯
君雖關內產迹自閩中肇業從考亭入統爲橫渠紹
伊余放曠人漁潛侶荷蓀亡羊以多岐望洋徒浩漭
睽離歷十暑邂逅值春杪日談恨易夕夜坐忽及曉
苑花雖寂寂風絮尚嫋嫋回首通州別屈指日不少
今看兩白髮誰忍置清醪君行秉大軸吾歌入幽渺
林岑有夙愉烟蘿閨裊裊誠無王良顧空山沒騷裊

安南歌送許給事中天錫

芳阡藉文轂垂楊縮鳴珂使君且勿發聽我安南歌
安南古夷隩嶺嶼蔚陂池炎原吼象兕溟窟虺齧
爰自秦漢降惜怛尋干戈天皇操化樞環海無驚波
永執臣妾禮稽首心靡他珠犀走北陸翡翠供瓊羅
王臣乘四驪駮駮金盤吐朝濟白藤江暮涉富良河
白日破蠻霧銅柱孤嵯峨雕題覩漢儀芭舞何嗟佞
皇仁聲所宣紆征采民咷使君聆我詞慷慨不顧家
僕夫杖明鉞絳節拂林華樓船下烟渚鼓吹達海涯

